

# Pegawai UMS hadiri persidangan

UB 04-01-2012 B3

SERAMAI 17 pegawai Universiti Malaysia Sabah (UMS) telah menghadiri Persidangan Kebangsaan Pengurusan Kepimpinan Kedua di Hotel Abadi, Melaka, baru-baru ini.

Delegasi UMS itu diketuai oleh Ketua Timbalan Pendaftar, No'man Ahmad yang juga Presiden Persatuan Pengurusan dan Profesional UMS dan Presiden Kesatuan Kakitangan Am UMS (Kekaumas), Amat Jutrah Musnih.

Turut menyertai persidangan tiga hari itu ialah Timbalan Pendaftar Nortir Sirin, Penolong Pendaftar Kanan Samsuidin Nurdin serta tiga Penolong Pendaftar, Victor Gondipon, Alvin Azril Mahat dan Molly Donna Awang Sham, Jurutera, Alexander Anak Ngindang dan Setiausaha Pejabat, Salmiah Tertib.

Persidangan yang bertemakan 'Kepimpinan Kreatif dan Inovatif Mentransformasikan Pengajian Tinggi' itu dirasmikan oleh Ketua Menteri Melaka, Datuk Seri Mohd Ali Rustam.

Turut hadir Presiden Cuepacs, Datuk Omar Osman yang juga Pengerusi Gabungan Majlis Presiden dan Setiausaha Kehormat Kesatuan Kakitangan Universiti/IPTA



■ NO'MAN (lima dari kiri) dan Amat (lima dari kanan) bersama delegasi UMS yang menghadiri Persidangan Kebangsaan Pengurusan Kepimpinan di Melaka.

Malaysia (Gakum) serta Pengerusi Persidangan, Mohd Zailani Abd Razak.

Persidangan itu dianjurkan bersama oleh Akademi Kepimpinan Pengajian Tinggi (AKEPT), Kementerian Pengajian Tinggi dan Gakum.

Omar berkata, tema persidangan itu sangat relevan pada masa kini selaras dengan hasrat dan visi Perdana Menteri, Datuk Seri

Najib Tun Razak, bagi melahirkan kepimpinan yang membawa pendekatan baru untuk melahirkan sebuah generasi yang mengutamakan prestasi berpaksikan keutamaan awam.

Tema itu dicadangkan agar ianya meliputi keseluruhan proses dalam menghasilkan kepimpinan yang merangkumi cara pelaksanaan, pembentukan amalan transformasi,

ciri-ciri dan kesan dalam profesion bagi menjamin generasi gemilang di peringkat IPTA, katanya.

Beliau berkata, lima sub-tema persidangan ialah untuk pemantapan urus tadbir yang baik, pembudayaan kepimpinan kreatif dan inovatif, transformasi pembangunan kepimpinan, hubungan majikan dan pekerja serta memperkukuhkan sistem pengurusan dan penyampaian.